
Жастарға жөн сілтеді



Мұрат ЖҮНІСҰЛЫ

Ы.Алтынсарин атындағы Аркалық мемлекеттік педагогикалық институтында аға буын өкілдерінің студент-жастармен кездесуі өтті.

Кездесуде қалалық ардагерлер кеңесінің төрағасы Жәнібек Ғапбасұлы, Аркалық қаласының құрметті азаматы Хамит Досжан, институт проректоры Нұрлыхан Темірбеков, ардагерлер Рауыл Ахметжанов, Қуанышбай Қазымбек ұлттық құндылықтардың мән-маңызына кеңінен тоқталды.

Жастар ресурстық орталығының директоры Аманкелді Ахметжанов биылғы

Жастар жылында атқарылғалы отырған жұмыстарды таныстырды.

Облыс әкімінің ұйғарымымен Аркалықта облыстық жастар форумы өткізілмекші. Елбасының "Ұлы даланың жеті қыры" мақаласы шеңберінде өтетін ауқымды шараға қазіргі таңда өзiрлiк шаралары қолға алынуда.

Ұлыстың Ұлы күніне дөп келген келелі кездесу халқымыздың салт-дәстүрлерінің бірі "Тұсау кесу" рәсімімен жалғасты. Ақсақал сәбиге батасын беріп, ақ жаулықты әжесі шашуын шашты. Көпшілікке ұлттық брендке айналған қымыз, бауырсақ сынды дастархан мәзірлері ұсынылды.

Күміс көмей жыршылар Қуанышбай Қабенұлы, Молдакәрім Байсенгіров бастаған өнерлі жастар ән-жырдың тиегін ағытты.

Аркалық қаласы.
